

۱۶ کانون ثانی ۱۳۲۸

نومبر ۵۰

آدرهس :

İDJTIHAD
Constantinople

دوردنچی سنه

اجتهاد

آدرهس :

اجتهاد اداردخانهسی :
دارالمعلمین قارشینده دائره
مخصوصه در .

سنه ۴۰ آبونہ بدلی ، نسخہ سی
۵۰ پاره در .

پنجشنبه کونلری نشر ایدیلیر اقتصادی ، اجتماعی ، ادبی مجموعه

اولدی .. حیاتی سراپا وطنه ، مملکتی وقف ایتیمی وعد
ایتمش عسکر طاقنک پاره ، غرب زینت و آرایش دوشگونلری
اولغه باشلادقلرینی کوردیکندن « - آرتق یتر !. طور ! »
امرینی ویردی . ارکندن تهلهکنک اوکنی آلتی عزم
ایتدی .. بزه ، ژاپون اولارق تعقیب ایده جکمز یکانه راه
مستقیمی کوستردی ..

وبو الهی وظیفه ارشادی - عائله ایمراطورینک محیط
ماتمدارنده طویلانوب کوزیاشری دوکدیکمز برهنکامده -
اک مدهش بر طریقله ، شاهانه بر اتحار شکلنده ایفا
ایتدی ..

انکلیزجه دن مترجمی

اورخان رضا



حمای الهام

نه سوز وار ، نه ساز وار ؛
نکار یوق ، نیاز وار ؛
کوکله آنجاغ آغلایان ،
تولن بیر اهتزاز وار .

کلاب آئنده شیر نر ،
سما زمینلره اینر ؛

امید ! یاق چراغکی :
اوکمه بیر جهان سوز .

..

ها دمیر قفسده در ،
قانادلری شکسته در ،
دوا شفای تولدورور :
طییمزده خسته در .

یانار بهارمک گلی
سیاه آچیلدی سنبل
بو ایله بایقوشک سسی
بوغار نوای بلبل .

نه مرده یز ، نه زنده یز ،
مزارلر ایچنده یز ؛

نه مؤمنز ، نه ملحدز ؛
بیلینمه یور نه دینده یز .

کوزمده هر گولن نظر ،
اولور نگاه احتضار ،

جهان خموش ، جان نزار :
نه ساز وار ، نه سوز وار .

۱۶ تشرین اول ۱۹۱۲ ماسون

عبدالله جودت



کوردستان و ارمنستان مفهوملری

ژاماناق غزته سنک ۱۶ کانون اول سنه ۱۹۱۲ تاریخی
نسخه سنده « ارمنستان » می ، « کوردستان » می ؟
عنوان استفهامکاری ایله بیر مقاله یالکز بیر قاج کون اول
منظورم اولدی غزته بی و مقاله سنی کورور کورمن جواب

و مطالعه می اعطا و بیاندن بی منع ایدن بعض ملاحظه لر موجود ایدی . بوکون او ملاحظه لر قوه مانعه سنی ضایع ایتمش اولدیغندن ویریله سی لازم و جائز اولان جوابی پک بجهل و ملخص اولاراق ویرییورم .

اولا ارمنی وطنداشلمزك منفعت قومیه لر ی بویه مسئله لر ی قاریش دیرماقده دكلدر .

ارمنی وطنداشلمزك موقعه لر ی عناصر عثمانیه دن اولان بلغار، روم و صربلرک موقعه لر ی نه هیچ بکزه مز. بن بوسوزی سویلرایکن بی طرف بیرمشاهد اجتماعی کی سویله یورم . منطق و محاکمه می دیگر بوتون علائقن آزاده طوتویورم. کوردلر، ارمنیلر تورکار الخ. عینی زمانده و عینی اولچوایله نعمت و یا نعمت کورمکه، عینی زمانده عینی درجه ده عینی شرائط آلتنده مسعود و یا غیر مسعود یا شامایه محکومدرلر .

« ژاماناق » ک ایکی سوآلی وار :

تاریخده بیر کوردستان مملکتی موجود اولمش ایسه حدودلری نه صورتله تعیین ایدیله بیلیر ؟ آسیای عثمانیک هانکی ولایتلری کوردستانه تابع اولمشدر ؟

اگر بن دیباجه اولاراق یازدیغ سطرلرک احتوا ایتدیکی فکر و قناعتده اولماش اولسه ایدم یعنی « کوردستان »، « ارمنستان » مسئله لر ی کی مسائلك فائده سزلکنه حتی منافع عنصریه به مخالف اولدیغنه قانع بولونماش اولسه ایدم مشهور مورخ « شرف الدین بتلیسی » نك « شرفنامه » کتابی اشهاد و ۱۶۰۵ سنه هجریه سنه قادار کوردستانك « دیار بکر » « جزره » « دینور » « فصلویه » « لورت چك » « وان » قطعه لر نده اجرای حکومت ایدن اك مشهور سلاطین کوردیه دن « سلطان احمد بن مرداست » « سلطان نصر » « سلطان سعید بن نصر الدین » « سلطان منصور بن نصر » « سلطان بلال بن بدر » « سلطان ابوالفتح محمد بن طیار » « شجاع الدین بن خورشید » ی و پدرینك وصیتی اوزده رینه (یمن) استیلا ایله (حجاز) قادار حدودینی توسیع ایدن

و حجازده مدفون « سلطان مأمون بن نذر » ی ذکر ایده بیلدیکم کی « حکاری » « عمادیه » « جزره » « فنیك » « عربکیر » « حصن کیف » « ماردین » قطعه لر نده اجرای امارت ایدن « امیر تیمور » « امیر عزالدین » « ابراهیم علی » و « خالد بن ولید » ك اوغلی « امیر سلیمان » طرفندن تشکیل ایدیلوب ۱۳۰۰ سنه دوام ایدن « آریزه حکومتی » حاکم و امیراسنك اسملرینی، دیار بکرلی مؤرخ سعید پاشانك « مرآت العبر » ندن اقتباس و تعداد ایده بیلیر ایدم . « آریزه » حکومتی « امیر بدرخان » ك، محترم و معزز پادشاهمز سلطان محمد خامس حضر تترینك اب مکرملری سلطان مجید زماننده عرض اطاعت ایتمه سیله ختام بولمشدر . « چشکیزك » « پرنگ » « سفیا » « میرداس » « کلد » « بالو » « صاصون » « خیزان » « مکس » « اسپالر » « نیکلیس » « شیروان » « زرقی » « کردکان » « ماهاوشت » قطعه لر نده اوچیوزی متجاوز دره بکی کاه بعض سلاطینه کاه بعض امیرلر vassal واصل یعنی حاکم تابع اولاراق اداره امور ایتشلردر .

یالکز بتلیس کورد حکومت معظمه سنك مفصل تاریخی فارسی لساننده مسطور و موجوددر .

۱۰۰۵ تاریخندن اعتباراً کوردلرک یوقاریده ذکر ایتدیکم قطعه لر نده اجرای حکومت ایتدکاری مشهور (هاهمه رفون بوقشتال) ك « عثمانی ایمر اطورلنی » تاریخی عنوانی اثر معظم و معتبرنده بر تفصیل مشروحدر .

بونجه شواهد ایرادی کافی دکل ایسه شاه ایران (جمشید) زمانندن اعتباراً کوردلرک اوزمان اك معظم بیر دولت اولان ایران دولتیله متحداً اجرای حکومت ایتمش اولدوقلرینك ایران تاریخلرنده مضبوط بولوندیغنی و حتی (جمشید) و (ضحاک) ك کورد اولدوقارینی ده در میان ایده بیلیرم .

(ژاماناق) غزته سنك ایراد ایتدیکی ایکینجی سؤالده

شودر :

کوردستان، عربستان لازستان، ارمنستان الح کلمه لریله
اوینماق زماننده دکلز: متحد و حراولاراق یاشامایه مستحق
و مقتدر اولدیغمز ماددی بینهلر ویرمچک زمانده یز . بز
چوق بویوک فلاکتلره اوغرادق، فقط فلاکتلرک الک مهلکی
واک بویوک هنوز بزلی بکله مکده در . بیر فلاکت که اوندن
قور تولماق المزده در ، هنوز المزده در . او الک مهلک واک بویوک
فلاکت شیمدی یه قدر و بالخاصه شیمدی اوغرا دیغمز
فلاکتلردن متنصح اولماق قدر . فقط بیر ایمان خروشان
و فروزان ایله قانع و امینم که بومملکت ثولمه مشدر . و ثولمه مهیه ،
یاشامایه و یاشاتمایه قرار قطعی ایله قرار ویرمش جانلرله
طولودر .

۱ کانون ثانی ۱۹۱۳

عبدالله جودت



«تصویر افکار»

ادرنه نك آرسلان مدافعی شکری پاشا حضرتلری

مشار الیهک تلغرافی :

« ادرنه کبی دنیا نك الک مستحکم مواقعدن معدود
بر شهر مقدسی دنی ، خونخوار بر دشمنه تسلیم ایده چک
آلحق بر قوماندان شانلی عثمانی تاریخنده کور و له مشدر .

« کوردلرک لاقلا بیک سنهک ماضی مدنیسنی او کرمک
و بوضورتله کوردلرک خصائص تمدنی حقنده بیر فکر ایدیتمک
اوزره هانکی منبعاره مراجعت ایتک لازمکلیز ؟ »
بوخصوصده ویرمچکمز جواب هر ایکی عنصرک ده
قولتوغنی قباردا جق ماییتده دکلدر .
هرایکی عنصر دخی نه بیک سنهک نه یوز سنهک
بیر ماضی مدنیست کوسته ره بیلمکدن اوزا قدر .
بو عنصر لردن هیچ بیر انسانیته نه بیر (شکسیر) نه
بیر (مولیه) نه بیر (غوته نبرغ) نه بیر دو قنور (به هریغ)
نه بیر (پاستور) یا خود (جه ندر) ویرمه مشدر .
فقط اجتهادچه بیر قومک دوام حیات و استقلالنک
موقوف علیهار ی باشلیجه شوایکی خصیصه در :

جنکاورلک ، یعنی حرب و ضربه قنذار .
صنایع کارلق ، یعنی اقتصاداً حفظ استقلاله اهلیت .
بوخصصتلرک بیر نیچینده کوردلرک اکیینجه سینده ارمنیلر
تمیز ایتشاردر . بیرنجی خصصتک نماینده سی اولاراق سلطان
صلاح الدین ایوبی ذکر اولونور . اکیینجی خصصتک نماینده
لری هر عصرده ارمنی وطندا شارمک آراسته اکسک
اولما مشدر و ایوم اکسک دکلدر . بیرنجی خصصتک ممتاز
صاحبلری اولدوقلرینی ارسلان لاز و چرکس قارداشلر مزله
برابر کوردلرک دون ، داهادون ، چتالجه خط مدافعه سنده اثبات
ایتدیله . عثمانی سپرلرینک ایچنده بلغار مهاجملرینی طوتوب
یرلره چارپان عسکرلرک منسوب اولدوقلری عنصر از جمله
لاز ، چرکس و کورد عنصرلری ایدی . اشقودره قوماندانی
رضا بک و بوکون رسمی اجتهادی نرین ایدن ادرنه مدافعی
شکری پاشا کورد عنصر ننددر .

تکرار و اجمال ایده رم . اجمال و تکرار ایدر ایکن
مخلص و بی طرف و کافه علائق دینی و عنصریه دن آزاده
بیر فرد انسانی قلب و وجدانیله متحسس و متفکر اولدیغمی
تأمین ایدرم .